



ORDENANZA FISCAL 9/2009 REGULADORA DA TAXA POLA UTILIZACIÓN PRIVATIVA OU APROVEITAMENTO ESPECIAL CONSTITUÍDO POR OCUPACIÓNS DE TERREOS DE USO PÚBLICO CON POSTOS, BARRACAS, CASETAS DE VENTA, ESPECTÁCULOS OU ATRACCIÓNS, E INDUSTRIAS DE RÚA E AMBULANTES E RODAXE CINEMATOGRAFICA.

PREÁMBULO

En uso das facultades concedidas polos artigos 133.2 e 142 da Constitución, e polo artigo 106 da Lei 7/85, de 2 de Abril, reguladora das bases do réxime local, e de conformidade co disposto nos artigos 15 a 19 do Texto refundido da Lei reguladora das facendas locais, aprobado por Real decreto legislativo 2/2004, de 5 de marzo, o Excmo. Concello de Pontevedra, establece a taxa pola utilización privativa ou o aproveitamento especial do dominio público local constituídos pola ocupación de terreos de uso público con ocupacións por postos, barracas, casetas de venta, espectáculos ou atraccións, e industrias de rúa e ambulantes e rodaxe cinematográfica, a que se refire o artigo 20.3.n), e artigo 24 do citado Texto refundido, que se rexerá pola presente Ordenanza, e cuxas normas atenden ao previsto no artigo 57 do mesmo texto legal.

Artigo 1. Feito imponible

Constitúe o feito imponible desta taxa a utilización privativa ou o aproveitamento especial que se deriva da realización de ocupacións da vía pública ou terreos de uso público local con postos, barracas, casetas de venta, espectáculos, atraccións, industrias de rúa e ambulantes e rodaxe cinematográfica.

Artigo 2. Suxeito pasivo

Son suxeitos pasivos contribuíntes as persoas físicas ou xurídicas e as entidades sen personalidade xurídica ás que se refire o artigo 35.4 da Lei 58/2003, do 17 de decembro, xeral tributaria, a cuxo favor se outorguen as licenzas, ou quen se beneficien do aproveitamento, se aínda non se concedera a oportuna autorización.

Artigo 3. Responsables

Os supostos de responsabilidade, xa sexa subsidiaria ou solidaria, serán os previstos na normativa tributaria.

Artigo 4. Exencións e bonificacións

Non poderán recoñecerse outros beneficios fiscais que os expresamente previstos nas normas con rango de lei ou os derivados da aplicación dos tratados internacionais.

Artigo 5. Base imponible

Tomarase como base para a determinación do importe desta taxa o valor de mercado que tería a utilización privativa ou o aproveitamento especial, e elo en función do tipo de aproveitamento, o tempo de duración do aproveitamento ao longo do ano e a categoría da vía pública sobre a que se sitúan.

Artigo 6. Cota tributaria. Réxime xeral

1. A contía da taxa regulada nesta Ordenanza será a resultante da aplicación das tarifas contidas neste artigo e, excepcionalmente, no artigo 7 e no suposto de que se utilicen procedementos de licitación pública. Neste último caso, a contía da taxa será o valor económico da proposición, que en ningún caso poderá ser menor da cantidade resultante da aplicación do disposto nos apartados seguintes..

2. A taxa se esixirá de acordo co seguinte cadro de tarifas:

Tarifa primeira.- Mercados de venta ambulante

a) Postos no recinto de Rosalía de Castro, por cada metro ou fracción de fronte do posto, o importe trimestral será de 25,25 euros.

b) Postos no recinto de Estribela, por cada metro ou fracción de fronte do posto, o importe trimestral será de 12,75 euros.

c) Postos no recinto da Feira de Gando, por cada metro ou fracción de fronte do posto, o importe trimestral será de 12,75 euros.

d) Postos en outros recintos, por cada metro ou fracción de fronte do posto, o importe trimestral será de 25 euros.

e) Postos de produtos de temporada, como castañas, xeados, etc., por cada posto de venta, o importe trimestral será de 32,50 euros.

Cando por causas imputables ao Excmo. Concello de Pontevedra non poida realizarse algunha feira e non sexa posible o seu traslado a outro día ou a outra situación, reducirase de oficio no recibo correspondente ao seguinte trimestre o importe proporcional ás feiras non celebradas.

Tarifa segunda.- Natividade e similares

Postos en mercadillos navideños e similares, por cada metro ou fracción de fronte do posto, o importe diario será de 2,50 euros.

Tarifa terceira.- Feiras e festas

As atraccións, barracas, postos instalados e similares, satisfarán ao día 5 euros por cada metro cadrado ou fracción de ocupación.

Tarifa cuarta.- Rodaxe cinematográfica, espectáculos na rúa, circos e similares

O importe diario será de 100 euros.

Artigo 7. Cota tributaria. Aproveitamento en días puntuais

1. Para instalacións realizadas en días puntuais suxeitas á Tarifa Primeira do artigo anterior, os suxeitos pasivos poderán acollerse ao réxime excepcional previsto no presente artigo.

2. Neste caso, a tarifa será de 6 euros diarios por cada metro de fronte.

Artigo 8. Período impositivo e devengo

1. O período impositivo coincidirá co trimestre natural. A taxa devéngase o primeiro día do período impositivo, salvo nos casos de alta ao longo do mesmo, en que se producirá no momento da ocupación.

2. No caso de aproveitamentos realizados por días, o período impositivo é por día. Neste suposto, a taxa devéngase o día declarado de instalación.

NORMAS DE XESTIÓN

Artigo 9. Autoliquidacións ou declaracións no réxime xeral acollidas á tarifa primeira do artigo 6

1. Os suxeitos pasivos están obrigados a presentar as oportunas autoliquidacións coa alta e as declaracións de baixa. Así mesmo, cando se produza unha modificación do número de elementos instalados, que supoña un incremento da cota tributaria, estarán obrigados a presentar a correspondente autoliquidación. No caso de que a modificación supoña a diminución da cota



tributaria, estarán obrigados a presentar unha declaración pola dita modificación. Así mesmo, presentarán as declaracións de cambio de titularidade.

2. As citadas autoliquidacións ou declaracións deberán ser presentadas nos 5 días naturais da:
- Instalación, nos casos de alta ou modificación que implique un incremento dos elementos instalados.
 - Retirada, nos casos de baixa ou modificación que implique unha diminución dos elementos instalados.

4. A falta de presentación das autoliquidacións determinará que os aproveitamentos detectados se entendan realizados desde a data da solicitude da autorización para a ocupación ou do inicio de calquera actuación administrativa que declare a súa existencia, no caso de que comezase previamente á solicitude da autorización, aplicándosele a tarifa correspondente a dito período, sen prexuízo das sancións que pola falta de presentación das autoliquidacións se puideran impoñer.

5. A falta de presentación das autoliquidacións de incremento de ocupación determinará que se considere á superficie ocupada efectivamente como si o estivera desde a data da alta ou a determinada, no seu caso, de acordo coas normas do apartado anterior, sen prexuízo das sancións que pola falta de presentación das autoliquidacións se puideran impoñer.

6. A presentación fora de prazo da declaración de baixa ou de modificación, cando esta supoña unha minoración da cota tributaria, producirá efectos desde a súa presentación, de acordo co disposto no artigo 119.3 da Lei 58/2003, sen prexuízo das sancións que se poidan impoñer.

7. O prazo de pago en período voluntario das autoliquidacións será de cinco días naturais.

Artigo 10. Autoliquidacións polos aproveitamentos realizados por días

Os suxeitos pasivos deberán presentar, con anterioridade á instalación dos elementos, unha autoliquidación na que se sinalen os días da ocupación. Esta mesma autoliquidación deberá ser presentada polos elementos complementarios que queiran ser instalados en días concretos nos supostos do artigo anterior. O prazo de pago en período voluntario destas autoliquidacións será de cinco días naturais.

Artigo 11. Xestión no réxime xeral da tarifa primeira do artigo 6

1. A taxa xestionarase mediante padrón, coa excepción prevista no apartado 7, que, unha vez aprobado polo órgano competente, exporase ao público polo prazo dun mes, mediante anuncios inseridos no Boletín Oficial da Provincia.

2. As autoliquidacións de alta producirán a incorporación dos suxeitos pasivos ao padrón do período impositivo seguinte a aquel no que se efectúen as citadas autoliquidacións.

3. As declaracións de baixa producirán a baixa no padrón do período impositivo seguinte a aquel no que se efectúen as citadas declaracións.

4. As autoliquidacións e declaracións de modificación producirán a incorporación ao padrón do período impositivo seguinte a aquel no que se efectúen.

5. En ningún caso, o inicio do procedemento de xestión ou o pago da cota implicará que se entendan como autorizadas polo Excmo. Concello de Pontevedra as distintas instalacións.

6. As cantidades esixibles con arranxo ás tarifas liquidaranse mediante recibo ou autoliquidaranse por cada aproveitamento solicitado ou realizado e serán irredutibles polo período sinalado.

7. No caso da tarifa 1ª punto e) do artigo 6.2, os suxeitos pasivos presentarán, xunto coa solicitude de autorización da ocupación, unha declaración dos elementos a instalar e do período de instalación. Con posterioridade notificarase a liquidación que proceda.

Artigo 12. Xestión nos aproveitamentos realizados por días

1. A falta de presentación da autoliquidación para acollerse ás tarifas esixibles por días determinará que aos aproveitamentos detectados se lles aplique a tarifa que corresponda do artigo 6, sen prexuízo das sancións que pola falta de presentación das autoliquidacións se puideran impoñer.

2. Os preceptos relativos á xestión no réxime xeral rexerán tamén para esta forma de xestión, excepto no que sexa exclusivamente aplicable a aquela. Non obstante, nestes aproveitamentos non é preciso a presentación de declaracións de baixa.

DISPOSICIÓN ADICIONAL

1. A contía da cota da taxa poderase actualizar conforme ao Índice de Prezos do Consumo (IPC) establecido para o Estado polo Instituto Nacional de Estatística (INE).

2. O cálculo da actualización farase tendo en conta a evolución do IPC durante período comprendido entre o mes de agosto do ano no que se aprobara a última actualización e o mes de xullo do ano inmediatamente anterior ao da súa aplicación a, ambos inclusive.

3. A actualización requirirá, para a súa efectividade, a súa aprobación polo Pleno, conforme ao procedemento previsto no artigo 17 do Real decreto legislativo 2/2004.

DISPOSICIÓN FINAL

A presente modificación da Ordenanza, aprobada polo Pleno da Corporación na súa sesión do día 2 de febreiro de 2002, aprobouse polo propio Pleno na súa sesión do día 24 de outubro de 2008, e, unha vez publicada integramente no Boletín Oficial da Provincia, entrará en vigor o 1 de xaneiro de 2009, producindo efectos ata a súa modificación ou derogación.